

# 欽定四庫全書

子部

鍼灸甲乙經卷七



南京中医药大学图书馆版权所有

詳校官太醫院吏目臣吳尊夔

編修臣倉聖脈覆勘

欽定四庫全書

鍼灸甲乙經卷上

六經受病發為寒熱病

一上

晉 皇甫謐 撰

問曰夫熱症者皆傷寒之類也或愈或死其死皆

上者何也岐伯對曰

傷於寒也則為病熱熱雖甚不死其兩感於寒而病

者必不免於死矣 傷寒一日太陽受之故頭項痛腰

脊背強

素問無背字

二日陽明受之陽明主肉其脈俠鼻

絡於目故身熱目痛而鼻乾不得卧 三日少陽受之

少陽主骨

素問作膽

其脈循脇絡於耳故脅痛而耳聾三

陽

素問下有經絡二字

皆受病而未入於府

素問作藏

者故可汗而已

四日太陰受之太陰脈布胃中絡於嗌故腹滿而嗌

乾 五日少陰受之少陰脈貫腎絡肺繫舌本故口燥

舌乾而渴 六日厥陰受之厥陰脈循陰器而絡於肝

故煩滿而囊縮三陰三陽五藏六府皆受病營衛不行  
五藏不通則死矣其不兩感於寒者七日太陰病衰頭  
痛少愈 八日陽明病衰身熱少愈 九日少陽病衰

耳聾微聞 十日太陰病衰腹減如故則思飲食 十

一日少陰病衰渴止

素問下有  
不滿二字

舌乾乃已 十二日厥

陰病衰囊縱少腹微下大氣皆下其病日已矣治之各  
通其藏脈病日衰已矣其未滿三日者可汗而已其滿  
三日者可泄而已 曰熱病已愈時有所遺者何也曰

諸遺者熱甚而強食故有所遺若此者皆病已衰而熱有所藏因其穀氣相薄兩熱相合故有所遺治遺者視其虛實調其逆順可使立已病熱少愈食肉則復多食則遺此其禁也 其兩感於寒者一日太陽與少陰俱病則頭痛口乾煩滿 二日陽明與太陰俱病則腹滿身熱不欲食譫語 三日少陽與厥陰俱病則耳聾囊縮而厥水漿不入不知人者故六日而死矣

曰五藏已傷六府不通營衛不行如是後三日乃死何

也曰陽明者十二經脈之長其血氣盛故不知人三日其氣乃盡故死

肝熱病者小便先黃腹痛多卧身熱熱爭則狂言及驚

胃中

素問無胃中二字

脇滿痛手足蹠不得安卧庚辛甚甲乙

大汗氣逆則庚辛死刺足厥陰少陽其逆則頭疼貢貢

素問作

貢字脈引衝頭痛也

心熱病者先不樂數日乃熱熱爭則心煩悶

素又有辛心痛三字

善嘔頭痛面赤無汗壬癸甚丙丁大汗氣逆則壬癸死

刺手少陰太陽

脾熱病者先頭重頰痛煩心

素下有頰青二字

欲嘔身熱熱爭

則腰痛不可用俛仰腹滿泄兩頤

一本作頤

痛甲乙甚戊己

大汗氣逆則甲乙死刺足太陰陽明

肺熱病者先悽悽然厥起皮毛惡風寒舌上黃身熱熱

爭則喘咳痛走胃膺背不得大息頭痛不甚

素作堪

汗出

而寒丙丁甚庚辛大汗氣逆則丙丁死刺手太陰陽明

出血如大豆立已

腎熱病者先腰痛胛痠苦渴數飲身熱熱爭則項痛而  
強胛寒且痠足下熱不欲言其逆則項痛員員素問下有澹澹  
字二然戊己甚壬癸大汗氣逆則戊己死刺足少陰太陽  
諸當汗者至其所勝日汗甚

肝熱病者左頰先赤 心熱病者顏頤先赤 脾熱病  
者鼻先赤 肺熱病者右頰先赤 腎熱病者頤先赤  
病雖未發者見赤色者刺之名曰治未病熱病從部所  
起者至期而已其刺之反者三周而已重逆則死 諸

治熱病先飲之寒水乃刺之必寒衣之居止寒處身寒  
而止病甚者為五十九刺 熱病先胸脇痛滿手足躁  
刺足少陽補足太陰病甚者為五十九刺 熱病先身  
重骨痛耳聾好暝刺足少陰病甚者為五十九刺 熱  
病先眩冒而熱胃脇滿刺足少陰少陽太陽之脈色榮  
顴骨熱病也榮未天素問作未  
交下同曰今且得汗待時自己  
與厥陰脈爭見者死其死不過三日 熱病氣內連腎  
少陽之脈色榮頰前熱病也榮未天曰今且得汗待時

自己與手少陰脈爭見者死其死不過三日 其熱病  
氣穴三椎下間主胸中熱四椎下間主胃中熱五椎下  
間主肝熱六椎下間主脾熱七椎下間主腎熱榮在骶  
也項上三椎骨陷者中也頰下逆頰為大瘕下牙車為  
腹滿頰後為脇痛頰上者鬲上也

冬傷於寒春必溫病夏傷於暑秋必病瘧 凡病傷寒  
而成溫者先夏至日者為病溫後夏至日者為病暑暑  
當與汗皆出勿止所謂玄府者汗孔也

曰刺節言徹衣者盡刺諸陽之奇俞未有常處願卒聞之曰是陽氣有餘而陰氣不足陰氣不足則內熱陽氣有餘則外熱兩熱相薄熱於懷炭衣熱不可近身身熱不可近席腠理閉塞而不汗舌焦唇稿黃帝古針經作稿腊噓乾欲飲取天府大杼三脘刺中膺以去其熱補手足太陰以去其汗熱去汗晞疾於徹衣

八十一難曰陽虛陰盛汗出而愈下之即死陽盛陰虛

汗出而死下之即愈

與經平錯於義  
反倒不可用也

曰人有四肢熱逢風寒如炙如火者何也曰是人陰氣虛陽氣盛四肢熱者陽也兩陽相得而陰氣虛少少水不能滅盛火而陽氣獨治獨治者不能生長也獨盛而止耳故逢風如炙如火者是人當肉爍也

曰人身非常溫也非常熱也而煩滿者何也曰陰氣少陽氣勝故熱而煩滿

曰足太陰陽明為表裏脾胃脈也生病異者何也曰陰陽異位更實更虛更逆更順或從內或從外所從不同

故病異名陽者天氣也主外陰者地氣也主內陽道實陰道虛故犯賊風虛邪者陽受之則入府食飲不節起居不時者陰受之則入藏入六府則身熱不得眠上為喘呼入五藏則臍滿閉塞下為飧泄久為腸澼故喉主天氣咽主地氣故陽受風氣陰受濕氣故陰氣從足上行至頭而下行循臂至指端陽氣從手上行至頭而下行至足故曰陽病者上行極而下陰病者下行極而上故傷於風者上先受之傷於濕者下先受之也

六經受病發傷寒熱病第一 中

黃帝問曰病熱有所痛者何也岐伯對曰病熱者陽脈

也以三陽之盛也人迎一盛在少陽二盛在太陽三盛

在陽明夫陽入於陰故病在頭與腹乃臍脹而頭痛也

曰病身熱汗出而煩滿不解者何也曰汗出而身熱

者何也汗出而煩滿不解者厥也病名曰風厥太陽為

諸陽主氣

素問作巨陽主氣

故先受邪少陰其表裏也得熱則

上從上從則厥治之表裏刺之飲之服湯 曰溫病汗

出輒復熱而脈躁疾者不為汗衰狂言不能食病名曰何曰名曰陰陽交交者死人所以汗出者皆生於穀穀生於精今邪氣交爭於骨肉而得汗者是邪退精勝精勝則當能食而不復熱復熱者邪氣也汗者精氣也今汗出而輒復熱者是邪勝也不能食者精無裨也熱而留者壽可立而傾也夫汗出而脈躁盛者死今脈不與汗相應此不勝其病其死明矣狂言者是失志失志者死此有三死不見一生雖愈必死 病風且寒且熱炁

汗出一日數次先刺諸分理絡脈汗出且寒且熱三日  
一刺百日而已

曰何謂虛實曰邪氣盛則實精氣奪則虛重實者內

素問

作言太熱病氣熱脈滿是謂重實 曰經絡俱實何如曰

經絡皆實是寸脈急而尺緩也皆當俱治故曰滑則順

濡則逆夫虛實者皆從其物類治

素問始作

故五藏骨肉滑

利可以久長寒氣暴上脈滿而實實而滑順則生實而

逆則死盡滿者脈急大堅尺滿

一作濡

而不應也如是者